

重樓玉钥

光緒庚子年重鑄

重樓玉鑰

白喉忌表訣微附後

板存杭城
下城頭老

自神農作方書味百草之滋以察其寒溫平熱之性辨其
君臣佐使之義而醫道於是乎備惟喉症輒略而不詳且
喉症危甚於百病速亦甚於百病尤辨之不可不早也雖
大方書中曾有附列而近今醫家未嘗細心參究忽於投
劑有用辛表涼下甚至變症愈危誤人實甚卽行世經驗
良方搜羅美富一時亦難奏效惟鄭梅澗先生重樓玉鑰
一書世所罕見今俞君子奇於越友處得破殘上卷一本
急欲窺其全豹徧覓書肆乃得其下卷係石印鍼灸諸法
尙缺正背穴道各圖雖鍼灸之靈驗過於方藥設或點穴
未明貽害亦匪淺鮮況禁忌頗繁更非易事不若刪去爲
妙先於上年冬得白喉忌表一書曾欲集資付刊以公衆

世今體會其意無不本於玉鑰而來且已經乩仙指示安
善成爲喉科至寶良不虛也嗣後余與俞君凡遇此症均
按是書療治悉獲全瘳且見是書舊序道光戊戌夏閒津
北一帶時疫喉症盛行而鈔是書傳治靡不百試百效神
驗異常以余粗知醫理屬爲校閱付梓濟世以補市醫之
不足凡窮鄉僻壤求醫無門之處對症檢方自見功效是
書仍分爲上下卷如遇白喉諸症須從白喉忌表方論治
之庶不致悞遂慫慂速成斯舉並駢數言於簡端
光緒二十六年歲次庚子閏八月下浣

錢唐

俞子奇經募

胡蓮玉校閱并序

重樓玉鑰

喉科總論


夫咽喉者。生於肺胃之上。咽者嚥也。主通利水穀。爲胃之系。乃胃氣之通道也。長一尺六寸。重六兩。喉者空虛。主氣息出入呼吸。爲肺之系。乃肺氣之通道也。凡九節。長一尺六寸。重十二兩。故咽喉雖並行。其實異同也。人之一身。惟此最爲關要。一氣之流行。通於六腑五臟呼吸之經。若臟腑充實。肺胃和平。則體安身泰。一有風邪熱毒蘊積於內。傳在經絡。結於三焦。氣凝血滯。不得舒暢。故令咽喉諸症。種種而發。苟非見症隨治。則風痰愈盛。熱毒日深。漸致喉關緊閉。水洩不通。幾何而不至於殞命耶。大抵風之爲患。好攻

上而致痰者三十六症內關咽喉爲第一。

此處有模糊文字，似為醫書內容，但無法清晰辨認。

知不足齋

斗底風



欲識人間斗底風。

十分紅腫在心胸。

更加痰壅咽喉內。

鍼藥無功命必終。

此症初起。吞嚥不下。但胸前紅腫。漸至結喉。一時難安。初起能嚥

卽辛烏散

水者可治。先用角藥。加摩風膏少許。冷井水調。噉取痰。次開風路。

鍼。三吹冰硼散。四用紫地湯。如病勢緊急。湯水不能下。遍身作痛。

氣喘眠臥不得。循屋下行。胸前赤腫。凡吐痰涎後。仍不退者。百無

一治。初起胸前便現有青筋。須破皮。鍼鍼青筋邊。立效。

鄭樞扶曰。是症宜用雄黃解毒丸服之。吹赤麝散。

義喉風



義喉風症最爲殃。

遲了三時命不長。

病者能依方法治。

管教依舊進茶湯。

男子婦人喉內生此疾。極爲急症。先咽喉作緊。風痰上壅。多有齟
涎。內緊外浮腫。不能飲食。漸至緊閉。如義。又住。則是急症。若一二
不知治者。多致殞命。宜先用冰硼散。次用風路鍼。三用摩風膏。少
許。和角藥調噙。取喉內痰涎。並用角藥敷頸外浮腫處。服紫正散。
加開關散。此病初起。喉間作緊。漸至內外皆腫。甚則頭面浮大。
咽喉漸鎖。其患最速。宜急治之。如病勢已極。不能開關不治。

按此症既速初起當用赤磨散吹之其效更捷。

咽瘡風



咽瘡此症不爲良。黃爛成瘡作禍殃。

依法頻施無效處。必然長夢入黃梁。

初起生咽喉間。或紅黃色。如粟形者。日久滿喉成瘡。及滿口生者。漸變紫黑。不能吞嚥。先用角藥。次開風路。鍼服紫地散。以冰硼散吹之。卽效。惟風熱實症可治。若內傷咳嗽吐血後。而發此症者。切不可用此等藥。致枉人命也。

鄭樞扶曰。咽瘡一症。雖云眞陰虧竭。相火熏灼。上升咽喉。發爲咽瘡。最爲虛損惡症。然其間虛實陰陽。亦當分別治之。凡屬熱症。由

於風熱者。必發熱惡寒。瘡色紅黃。右脈浮數有力。因平日過食煎炙。蘊積於胸膈。今又新受風邪。感觸而發。治以喉科諸藥。自然獲效。若虛症。形色白而乾燥不潤。內熱口渴。飲食微少。疼。惟嚙津液。其痛更甚。此由真陰已虧。虛損所致。然內傷有兩種。一屬氣虧。爲陽虛。一屬血虧。爲陰虛。陽虛者。兩寸浮數。勞頓過甚。行動則氣喘。此脾肺氣虛。窮及腎水。須培補中土。庶無差誤。今時醫不識。投以清冷利痰之劑。遂致喉間變生咽瘡。頓成不治之症。陰虛者。兩尺洪數。重按無力。內熱咳嗽。吐痰衄血。飲食日減。此肝腎陰虛。不能蓄養龍雷真火。蓋陰虛則相火奔騰而浮上。斯喉痺咽瘡。痰結煩燥。聲啞之症作矣。俗曰火燒竈門是也。其時若以六味補水。則真

水不能驟生。以生脈保肺。而久炎之肺。又非參麥能療。以八味降火。而咽喉之地。難受桂附之性。以滋腎丸互治水火。而水火不能既濟。惟急用甘露飲治之。使水火各安其位。得以濬其源而安其流。能導龍歸海。使五行各有相生之象。然後再按脈察色。分別治之。或八味六味。或歸脾養榮諸方佐之。自然獲效。而患者亦當早治。毋待病入膏肓。雖有神方。亦歸無濟也。

魚鱗風



喉間忽爾患魚鱗。多少醫家識不真。此症若求全愈易。只須鍼藥貴於頻。

此症生在帝中之下。與松子風相似。但微腫處起白點。日久白點

變成魚鱗。其鱗向下者是也。用冰硼散赤麝散。風路鍼。紫地湯。以角藥加摩風膏調噙。不可用刀。此症極險難治。治與雙松子風同。初起未成鱗。易治。若已成鱗。則飲食到喉。俱作嘔惡。乃屬不治。或內傷咳嗽而發此症者。萬無一治。如大便不通。湯中加犀角木通元明粉。以角藥冰硼散赤麝散相間吹噙。勿斷。用鵝毛多挑角藥入帝中旁。少頃再絞取痰涎。吐出自然獲效。

雙

松

子

風



松子風生喉靨中

逐時脹大起鱗紅。

莫言此症多危險。

隨卽療施亦見功。

此症生在靠帝中下邊。初起兩邊紅紫。如栗形大。逐時脹腫起鱗。向上者是。漸大如菰豆。似松子一樣。甚至紅黃皮裏住。及有蓮子大者。斯難治矣。先開風路。鍼服紫地湯。加銀鎖匙。開關散。用角藥。加摩風膏調。噙吹水。礪散。治與魚鱗風同。二三日或轉紅為黃。就怕起鱗。須以角藥頻噙。勿離。亦不可用刀。此屬險症。勿得輕視也。

單

單名松子一邊生。

松

左屬心。分右肺金。

子

鍼藥交施。依法治。

風



自然奇效。立消平。

此症生在帝中一邊腫者是。或左或右。俱不可用刀。治與雙松子。

同生在左者。湯中倍加丹皮赤芍。右者倍用桔梗連翹。

帝中風



時人忽患帝中風。角藥頻噉自見功。

若遇庸工無識輩。鍼刀誤用命隨終。

初起紅腫作痛生瘰。不能飲食。日久漸大。甚有長出寸許。攔腰爛去半截。或帝中全行爛去者。雖一時難治。仍爲無害。只依法治之。亦見奇效。初起先以角藥取瘰。開風路。鍼吹以冰硼散。服紫地湯。不可用刀。日久帝中黑爛者。冰硼散不宜用。當以真功丹去牙硝。吹之。或口疳散。聖功丹。皆可互用。至於紫地湯。加減出入投治。不可拘執呆方也。

雙蛾風



乳鵝紅腫在喉間。病者求痊亦不難。

角藥頻施兼服劑。自然取效莫愁煩。

凡喉間紅腫似癰毒兩枚而生在兩邊者是爲雙鵝切勿用刀先以摩風膏少許入角藥并水調噙又以鵝翎挑入喉間癰毒上令病人閉目噙良久候滿口痰來吐去再以赤麝散吹入自然立效如日久癰毒未平仍似蓮子樣須用消蘆散加巴豆七粒去壳熏患處如熏破後只可用呂雪丹

鄭樞扶曰。喉間諸症。惟患雙單蛾甚多。症候雖輕易治。卻難速於平消。庸醫求速。妄用鍼刀。反致枉人性命矣。蓋此症由肺經積熱。

受風邪凝結而感時則發致咽喉之旁狀如蠶蛾亦有形若棗栗者紅腫疼痛不能吞嚥然形有雙有單雙者輕單者重凡初起先用三稜鍼刺少商少冲三呼吸入一分吹赤麝散以角藥調嚥仍服煎藥緩緩取效凡鍼法以男左女右若要速效以捷妙丹吹入鼻中即消初起神效日久者不外消蘆散。

單蛾風



左畔虛陽熱上攻。

乳蛾單重喉間生。

關前易治療須急。

關後生分施不同。

此症生帝中之旁如蓮子樣左屬心右屬肺治法與雙蛾同亦不

可用刀。

鄭樞扶曰此症有部位之分。有虛熱風熱氣鬱之別。凡生於帝中兩旁者。是係雙單蛾。屬關前實症。爲易治。若起於咽喉內者。名喉瘤。屬關後氣鬱虛症。卻難治。時醫不識。概以蛾症治之。安能獲效。然喉瘤由肝肺二經鬱熱。更兼多語損氣。性躁而成。形如圓眼。紅絲相裹。或雙或單。生於喉內之旁。亦有頂大蒂小者。初起喉間微痛。不惡寒發熱。日久形色帶白而微硬。不犯不痛。或因醢酒炙燂。或因怒氣喊叫。犯之則痛。切忌用鍼刀。吹以消瘤碧玉散。宜服加味逍遙散。益氣清金湯。或用夏枯草。同鬱金代茶服之。日久自然消退。若虛體因憂鬱不舒而發此疾者。宜用歸脾湯。加柴胡丹皮。